

Empagliflozin

(Fakaleo pehe e kupu palagi ia “empa-gli-FLOW-zin”)

Ko e taha higoa ko e Jardiance.

Ko e taha vai a nei i loto he tau vai ne fakahigoa ko e SGLT2 ke lagomatai e tagata ke nakai fai ke kelea ke lalafi ki ai.



Ko e atu e vai nei ko e empagliflozin ke tului aki kaeke kua moua a koe he gagao veveheaga 2 ne lahi e suka haau ke puipui aki ke tumai e malolo he tau fuaifi mo e aseveli. Maeke e vai nei ke tukuhifo ka lahi e suka mo e malolo he toto haau ke lagomatai aki e tau fuaifi haau ke uta kehe e atu suka, masima mo e tau vai kelea he mogo ka fakapala ai a koe.

Fai mitaki foki e vai nei tuga ke fakato hifo e lahi e tino haau, lagomatai ke gahua mitaki e tau fuaifi mo e puipui a koe ke tumau e malolo he aseveli haau mo e nakai ponoti e tau hoko toto. Ti lagomatai foki a koe ke moui loa.

KE MANATU: Moua e vai nei fakalataha mo e segavai ne higoa ko e metformin ti fakahigoa ai ko e **Jardiamet**.

Ko e fakaaoga fefe e vai nei ko e empagliflozin



Inu lagataha he aho ti lata ke tatai tumau e tula ka inu ai.



Maeke a ko ke inu e vai nei ka kai poke nakai kai a koe.



Lata ke nakai inu kava poke to hifo ki lalo e inu kava neke fai kelea ka lafi atu kia koe.



Ka kamata a koe ke inu e vai nei, to liga to fakapala tumau, kae to mitaki ka mole falu faahi tapu. Lata ke inu lahi e vala vai ke ua mafiti a koe ke fia inu. Kaeke kua fai fafati e inu haau, talaage kehe tau tagata gahua fakamalolo tino.



Kaeke kua nimo e koe ke inu e vai nei he mogo ne kua fafati ke inu ai ti kaeke ko e i lalo hifo he 12 e tau tula ko hoko e matahola ke inu e fafati foou, mitaki ke tiaki e inu ne kua nimo kae leo ke inu he matahola foou.



Mua atu e mitaki he vai nei ka loa e inu e koe. Ti matutaki ke he tau tagata gahua fakamalolo tino ka mole e 3 e mahina ke atu e laupepa fakaata ke moua aki e fufuta foou.

Ko e magahala ne inu ai e koe e vai nei



Taute e tohi fakagahua ke iloa ko e heigoa ka taute kaeke kua gagao a koe

Kaeke kua nakai malolo a koe, fakaoti e inu he vai nei to malolo a koe. Manatu ke tutala mo e tau tagata gahua fakamalolo tino ke moua e tonu ko e liu afe a koe ke inu e vai nei.

Ka logona kua nakai mitaki a koe, fia koko poke mamahi e manava, fano ke he ekekafo haau, poke tau fale lagomatai tagata gagao he tau tula kua oti e tau gahua, poke fale gagao ke fakamafiti ke huki e matalima haau ke iloa ko e nakai lahi e tau gako he toto haau.

Kaeke kua tokoluga e tau gako (ketone) he toto haau to fai kelea lahi ka lafi atu ne higoa ko e ketoacidosis.



Talaage fakamafiti ke he tau tagata gahua fakamalolo tino kaeke kua hiki e tau mena haau ke kai

Kaeke kua to hifo e kai haau poke kua hiki ke lahi e kai he tau mena kai tuga e tau falaoa, pateta, tau inu humelia mo e loga he tau faga kai pihia, to liga moua a koe he ketoacidosis.



Ko e tau kelea ne loga kua tohia he lau ke ua aki he pepa nei

Ko e magahala ne inu ai e koe e vai nei (matutakiaga)



Fakameea tumau e mua haau

Ha kua mimi tumau mo e lahi e suka he fakapala haau to liga fai kelea ke lauia e mua haau.

Kua lata ke holoholo tumau ke nakai fai kelea pihia. Ko e tau fifine ke holoholo lagaua e mua he aho. Ko e tau tagata taane ke holoholo lagataha e mua he aho.



Tau mena ke taute to iihia taha mena he tino haau

Kaeke ke fai vala he tino haau ke iihia poke to fai kave hulu ke omoi hake he muimui haau, kua lata a koe ke fakaoti e inu he vai nei ke 3 e aho to hoko e tauteaga nei ti pihia mo e aho ka taute ai (ke 2 e aho to hoko e iihia ti tolu aki e aho ka iihia ai).

Ke matutaki a ko e mo e tau tagata gahua fakamalolo tino haau ke iloa ko e toka mo e liu kamata he mogo fe e inu he vai nei.



Kaeke kua fatu, lali ke fai tama poke fagai huhu tama mukemuke?

Talaage ke he ekekafo haau kaeke kua fatu poke to liga fatu a koe, poke kua kamata ke fagai huhu e tama haau. Kua lata a koe ke hiki ke inu taha vai kehe kua lata mo e gagao lahi e suka haau.

Na fai kelea ka lafi atu he tau vai fakamalolo tino oti

Ko e vai nei, fa fai kelea ka lafi atu, kae nakai pihia ke he tau tagata oti.

Tau kelea fa lafi atu

Ne nakai kelea lahi ti mafiti ke galo mo e mitaki. Tutala ke he tau tagata gahua fakamalolo tino haau kaeke kua lahi e kelea poke nakai galo kehe e tau kelea nei, tuga e:

- fa mimi tumau
- fai mamahi poke vevela he mogo ka mimi
- fai motu poke magiho e tino.

Nakai tumau ke pihia, kae hanei e tau faga kelea lalahi kaeke kua pihia

Matutaki mo e hea fakamafiti e numela foni he **Healthline** ko e **0800 611 116** kaeke kua logona mo e kitia e koe e tau kelea kua lafi atu kia koe ti talaage kaeke koe inu a koe he vai nei (empagliflozin):

- gagao (koko)
- fa fia inu tumau (magomago)
- nakai maama e manatuaga poke kua kehe kua lahi e lololole
- mamahi e manava
- namu humelie e fafagu
- hokulo poke mafiti e fafagu
- lahi e vela (fever)
- fufula kelea, mamahi poke kula e muimui ti pihia mo mua foki (vagina moe penis)
- lololole, tuga kua galo e fafagu, lialia pou
- hauhau a
- mamahi e ulu
- tutututu e tino
- nakai kitia mitaki.



Kaeke ke iloa foki falu fakailoaga hagai ke he vai fano kehe internet atulese healthnavigator.org.nz/empagliflozin